

PROLOGUS.

Mauritio pœnitenti, remissâ licet culpâ, graves,
tamen à Divina Nemese statuuntur pœnæ.

Nemesius, Mauritiæ Custos Genius, Duo Pupillæ, Chorus umbrarum.

Chor. Umbr. **V**indica, vindica,
Dei justitia!

Occisum militem,
Profusum sanguinem,
Avarâ, fordidâ,
Crudeli, barbarâ

Cæsaris dexterâ.
Vindica, vindica.

Nem. Quis, quis me suscitât in furore meo?
Quis vindictam poscit de reo?

Chorus. Clamat ad te sanguis miserè peremptorum,

Pupill. umbr. Clamant viduarum lachrymæ, & pupillorum.

Aria.

Pupillæ duo. Jacent Patres, jacent Fratres,
Luctu squallent orbæ Matres,
Fame jacent parvuli.

Dira cædes miserorum,
Et egestas pupillorum
Scelus est Mauritiæ.

Chorus repetit. Vindica, vindica
Dei justitia.

Nem. Vindicabit, vindicabit,
Pœnas Mauritius dabit.

Jam ignis succensus est in furore meo, & ardebit usque ad inferni novissima.
Deut. 32.

Cust. Gen. Misericordia! Misericordia!
Hanc apud ipsam Justitiam pro Mauritio,
Curæ meæ credito,
Imploro,
Supplex oro.

)

r. Aria.

1.

Quamvis culpæ gravis reus
 Cliens meus,
 Pœnas graves, ut fatetur,
 Promeretur;
 Tamen verè pœnitens,
 Et contrita dolet mens.

* *Nem.* O potentem contriti cordis dolorem!
 Quàm citò exarmat justitiæ rigorem!
 Una clientis tui lacryma
 Jam parata delet inferni incendia.

Aria.

Surge. Pro tuo cliente quid paves?
 Nescis? quàm cordi divino sint suaves,
 Verè quàs pœnitens lacrymas dat;
 Cordis contriti sincero dolore
 Dignum se denuo facit amore,
 Atque pro reo clementia stat.
 Ipfus tam pius lacrymas delibo;
 His placatus, Mauritiæ nomen libro vitæ inscribo.
 Tolle,
 Lege.

Cust. Gen. legit. *Mauritius, Constantina, Theodosius, Tiberius, Petrus, Paulus,
 Justinus, Theodora, Placidia, Paulina.*

Ergo uterque parens cum omni numero liberorum
 Inscriptus est albo Electorum?

O sortem beatam!

O pœnitentiam optatam!

Sed cur hæc nomina scripta sunt sanguine?

* *Nem.* Quia Mauritiano sanguine satisfaciendum est justitiæ.
 * *Cust. Ang.* Ergo nondum justitia est placata?

Nondum remissa Mauritiæ peccata?

* *Nem.* Culpam deleverunt lacrymæ,
 Pœnâ tamen adhuc debetur justitiæ,
 Vel in hoc seculo,
 Vel in orbe altero.

Univ. Bibl.
 München

1. *Aria.*

Aria. 2.
 Facti pudet, moeret, odit,
 Et se prodit,
 Quæ est intus, vis doloris:
 amaroris.
 Oculis tot profluas
 Testes cape lacrymas.

I.

Per memet hoc juro,
Qui æquum pro juro,
Stat fixum & ratum
Peccatum patratum
Vel hic est luendum,
Vel ibi arndum,

Dum facis divinæ justitiæ fit:

Cust. Ang. Dura electio!

Jam tamen facta à Mauritio.

I.

Hic ure, hic seca,
Hic perde, hic neca:
Hic poena brevior,
Aut certè mitior;
Orbe in altero
Parce Mauritio.

Aria.

2.

Hic vides catenas,
Et asperas poenas,
Hic Martem ferocem,
Hic mortem atrocem;
Hic focum flagrantem,
Et ignem purgantem.

Electio penes Mauritium fit.

Aria.

2.

Vitam & sanguinem
Natos, & conjugem
Si placet, exige
Hic hic in tempore:
Orbe in altero
Parce Mauritio.

CHORUS I.

Sedecias, Rex Solymæ cum filiis captus sistitur
Nabuchodonosori.

*Nabuzardan, Nabuchodonosor, Tebarzanes, Sedecias, Ariel fil. Abdias fil.
Chorus Chaldaeorum.*

Nabuzard. Jo Vive, Rex potentissime,
Urbs capta, expugnata est Solymæ.
Vos Regi Victori triumphum canite,
applaudite.

Chor. Chald. Vive, regna, impera,
Tua est, Rex, Solyma,
Te honoret,
Te adoret
Gens Judææ subdita.

Nabuchodon. Mea est Solyma,
Sed vestra, duces, & milites, captæ est gloria.
Laudo vestra in me merita,
Quibus sua quoque respondebunt præmia.

I.

Per Martis furorem,
 Et hostis cruorem,
 Per clades & minas,
 Per regum ruinas,
 Per caesorum funera,
 Captæ Urbis rudera
 Solymæ ad regium,
 Jam ascendam solium,

Nabuchodonosor Rex.

Sed ubi Sedecias impius? An impunè evasit profugus?

Nabuzard. Confide Rex augustissime,

Fugientem Victor miles persequitur strenuè.

*Eten! fallor, an tubæ clangor prævius

Jam captum indicat nuntius?

Tebarzanes. Jo! jo! Rex invictissime!

Captus est cum filiis Rex Solymæ.

Nabuchod. Bene est: adducite.

Tebarzanes. Ingreditur: aspice.

Nabuchod. Tène habeo rebellis, perfide?

Disce tandem adorare Regem Solymæ,

Flexo poplite, pronoque vertice.

Reluctaris? -- cogite.

I.

Sed. Heu fortem asperam,

Iniquam, perfidam!

Quousque præcipitas me!

Impune jam hostem bacchâri,

Et regnum everti, vastari

Heu videam?

Manus hæcæ regias,

Sceptro antè fulgidas,

Nunc ferro onerari,

His vinculis gravari

Aspiciam?

Heu miserum, perditum me!

Nab. Quid obgannis Refractarie?

Tota tua cum progenie.

Aria.

2.

Tu me dominantem

Orbi imperantem,

Regem Babylonæ,

Et nunc tuum Solymæ,

Honorare,

Adorare

Disce rebellium fax.

Aria.

2.

Jam ipse extero

Rex ego Domino

Genu curvem famulum?

Servus sim, mancipium?

Vah probrum immane!

Quid petis à me?

Quo fastus & furor abripiunt te?

Arial. Ah regum optime,

Abdias. Ah parce miseris

Cum Patre filiis.

Pœnas graviore senties Hodie

1. Aria.

1.

Aria Duetto.

2.

Ar. Per tenerum Patris amorem,*Abd.* Innocuæ mentis candorem.*Ar.* Per, si quid possunt, profluas,
Ex oculis has lacrymas*Abd.* Te rogamus*Ar.* Obscramus,*Abd.* Locum da clementiæ,*Ambo.* Rex optime.*Nab.* Cessate viperarum genimina,
Non me incantabunt vestra sibila.
I miles, Patrem cum sobole
A conspectu hinc propiçe,
Et tetro conclude carcere.*Sedec.* Regem Solymæ includas carcere?*Nab.* I, jussâ exequere.*Sed.* Non Rex, sed barbare.*Ar. & Abd.* *Ariosè.* Ah parce Rex mitissime,
Da locum veniæ.*Nab.* Absistite,

Recedite.

Nos interim, duces & principes, deliberamus,
Quas pœnas, quod mortis genus rebellibus decernamus.*CHORUS II.*Rex Sedeciosâ Rege Nabuchodonosore cum filiis
plectitur.*PERSONÆ PRIORES.**Nabuchod.* Eja igitur captos adducite,
Et coràm hîc perduelles sistite.*Nabuzard.* En, ùt jubes, Rex augustissime.*Nabuchod.* Adesto perfide
Cum tua sobole,

Et percipe,

Quid de vobis statuam,

Quam feram sententiam.

Sedec. Eheu! à Rege extero, crudeli barbaro,
Judicari, condemnari nos audiam?*Abd. & Ar.* Clementiam, ah clementiam.

X 3

1. Aria.

1. *Aria.*

Nabuchod. Juro
Per Deos superos:
Juro
Per omnes inferos:
Per Chaldæorum Numina,
Per atra stygis flumina,
Stat gentem perfidam,
Fœtentem, fordidam,
Perdere, excindere
Funditus.
Stat Nomen Israël
Perjuri, & rebellis
Abolere
Et delere
Penitus.

2. *Aria.*

Stat Regem Hebræum,
Vecordem Judæum,
Cum probrosa sobole
Stirpem cum propagine
Evertere
Evellere
Radicitus.

Sedcc. Superi! cum Patre percat tota stirps regia?

Nabuchod. Pereat, occidat perfida.

Abd. & Ar. Ah Regum maxime,
Da locum veniæ,
Ah parce miseris,
Afflictis, perditis.

Nabuchod. Actum est, ratum est.

Abd. Ah saltèm succedaneam
me accipe pro parente victimam.

Ar. Imò me, me macta immola,
Pro patre, pro fratre ego sim hortia.

1.

Duetto.

2.

Abd. Quid frater tibi arrogas?

Quam petis gratiam?

Ar. Quod jus tu tibi vendicas?

Cur me non præferam?

Abd. Te ego annis præco,

Ar. Sed te amore supero.

Abd. Me Rex, cape, perime,

Ar. Me me rape, opprime.

Abd. Hoc pectus ense scrutare,

Ar. Ah meum, precor, rimare.

Abd. En caput tibi porrigo,

Ar. En meum hoc devoveo.

Abd. Abscinde,

Ar. Præscinde.

Nabuch. Sit ergo, vestris annuam precibus,

Superstes vivat parens diutiùs.

Tu verò Ariel, amore qui superas,

Palمام ut referas,

Primus cervicem ferro subjice,

I licitor, abripe.

Sedec. Me, me feri barbare,

Crudelis, impie.

Ar. Vive Pater, Vale frater.

Abd. Eheu! Cur mihi non licet primo, pro Patre occumbere?

Ergo liceat saltè interim, extremum vale parenti dicere.

1.

Aria.

2.

Vale pater, ultima

Da, ut figam oscula,

-Heu! quid manus retrahis?

Proles sum, quid refugis?

Da dextram dextræ jungere,

Ah Pater amantissime.

Sic vive, vale genitor

Sic lætus pro te morior.

Nabuch. Ergo morere,

Et fratrem moriendo sequere,

Tu licitor refeca mortuorum capita.

Túque frater optime,

Dum ad mortem sequor te,

Fratrem frater suscipe,

Ad amplexus voca me

Ejusdem patris filium

Pro patre tecum mortuum.

Jam vale vive genitor,

Cum fratre ego morior.

Sedec.

Sedec. Quid porro cessas cruento, barbare,
Parentem natis jungere?

Nabuch. Imò vive vitam longiorem, sed ipsa morte accerbiorem:
Mors brevis, pro te est pœna nimium levis.

Sedec. *Eheu! quid video! refugit animus: horreo.

Nabuch. Aspice, & considera, ut tuam perfidiam tibi exprobrent:
Muta hæc Natorum capita.

Sedec. O innocentes victimæ! ignoscite.
Meo, meo, quidquid erat, luendum fuit sanguine.
Ah finite, in emortua amoris osculum vobis ut figam facie.
Heu me! non possum, non possum. Ah ignoscite.
Ah triste spectaculum remove, quid ultra Lanienam hanc
Me cogis aspicere?

O amor! O dolor!

Nabuch. Quid ergo moror?

Ultrà ne aspicias,

Age licitor, Sedeciæ oculos volo, ut eruas,

Sedec. Fode, feca, erue, id erit locò gratiæ
Si sanguinem cum sanguine
Natorum licet fundere.

I.

Aria.

2.

Dum jacet proles gemina,

Jam currite sanguinea

O flumina!

Amoris nostri conscias

Cruentas date Lachrymas

O lumina.

Quin ità perpetrata

Deflenda sunt peccata:

Agnosco Deum Vindicem,

Et Regum quoque judicem:

Heu pœnas sentio!

Heu culpam doleo!

Nabuchod. Rebellem, perfidum, scelestum,
Impium, è conspectu jam abripite,
Babylonem captivum ducite.

Sedec. Abstrahe DEO rebellem, perfidum,
Factum populo auctorem scelerum.

Nabuchod. Vos Regi vestro jam applaudite,
Pœna canite,

Chor. Exincta est stirps Regia
Judæa gens est subdita,
Rex vive Babylonæ,
Et cape sceptrum Solymæ.

O. A. M. D. G.

Univ. Bibl.
München